

ՀԱՄԱՇԵՆԱՀԱՅԵՐԻ ԲՆԱԿԱՐԱՆԱՅԻՆ ՀԱՄԱԼԻՐԸ

Բ. Գ. ԹՈՌՈՒՄՅԱՆ (Սոֆի)

XVII դարի երկրորդ կեսին բուն Համշենից գաղթած հայերը, սփռվելով Տրապիզոնի նահանգում՝ Սյուրմենեից մինչև Սամսոն ընկած տարածքում, հիմնականում ապաստանել են մեծ ու փոքր քարանձավներում, դարավոր ծառերի փշակներում, կամ էլ հապճեպ կառուցված հյուղակներում: Ըստ աշխնդությունների, Տրապիզոնից 40—50 կմ հարավ-արևմուտք ընկած Աղաջապատ վիճակի Մալա գյուղի մոտ գտնվող Դեորոն ապանոցի հսկայական քարայրում տարիներով ապրել են շրջակա Մալա, Սալախոր, Լաղանա, Կապարոն և այլ գյուղերի բնակիչների նախնիները, որոնք Համշենից գաղթելով ու դեգերելով անտառներում, գտել են այդ անառիկ քարայրը:

Դեռևս XIX դարի վերջերին համշենահայ շինականները տարբեր նպատակներով կառուցում էին հյուղակներ (բալաղան): Հյուղակի հիմքում մի ուղղությամբ դրվում էին վերին ծայրերը երկճղի երկու-երեք սյուներ, որոնք մեկը մյուսից 1,5—2 մ հեռավորությամբ ամրացվում էին գետնին: Սյուների վրա հորիզոնական դիրքով դրված գերանին երեք կողմից հենում էին ձողեր, որոնց վրա նոսրորեն հյուսում էին բարակ ճղներ, որսկեզի ծածկը շթափվի, և ներքևից վերև շերտ-շերտ ծածկում իմփռով (պտեր), եղեգով կամ զանազան այլ բույսերով: Հյուղակի առջևից բաց էին թողնում ելումուտի տեղ: Շատ դեպքերում ձողերի փոխարեն շարում էին իրար կիպ կպած տախտակներ, որոնց արանքները մամռապատում էին և ամբողջ հյուղակը ծածկում հողով: Այդպիսի բալաղաներ շինում էին խոտհունձներում ու արոտավայրերում (մեգրե): Ժամանակի ընթացքում անտառներում հարմար բնակավայրեր ընտրելով, ոմանք ինքնազուխ, շատերը տեղական հողատերերից կապալով հողամասեր վերցնելով կառուցում էին համեմատաբար հարմարավետ, հիմնավոր բնակարաններ: Դրանք միաշխնի (մուտք) չիթեռ ու խզեկոն (գերանակապ) խրճիթներ էին: Համշենցիք չիթ էին անվանում բնակելի և օժանդակ բոլոր տեսակի շինվածքները, որոնք հյուսում էին լաշենու, կաղնու, հոնի և այլ ծառերի ու թղփերի բարակ ճիպոտներից (ջինե): Զիթե խրճիթների կմախքը պատրաստում էին 8—12 սմ հաստությամբ, կեղևահան արած սյուներից՝ դրանք 20—25 սմ հեռավորությամբ հողի մեջ ամրացնելով: Տուն-խրճիթի շորս պատերը ջինեով հյուսում ու երկու կողմից կավացելով ծեփում էին: Տանիքը (ծածուկ) ծածկելու համար օգտագործում էին կացնով «հանած» տախտակներ կամ իմփռ, լու (կնյուն) և երկար ու պինդ տերևներով այլ բույսեր: Տանիքի գագաթին թողնում էին փոքր անցք, որը միաժամանակ ծառայում էր որպես լուսամուտ և ծխնելույզ: Դուռը պատրաստում էին տախտակից: Խրճիթի կենտրոնում բուրակն էր (օջախ):

Հետզհետե ժամանակավոր խրճիթների փոխարեն սկսում են շինել երկհարկանի փայտաշեն տներ, իսկ ավելի ուշ, այն ընտանիքները, որոնք հնարավորություն են ստանում սեփական տնտեսություն հիմնելու, իրավունք ու հրահրություն են ստանում նաև քարաշեն և կիսաքարաշեն տներ կառուցելու: Ոչ սեփականատեր գյուղացիները՝ մաքսաբաներ (կապալատուները) քարաշեն տուն շինելու իրավունք չունեին:

Երկրի բարեխառն կլիմայով ու շինանյութերի (փայտեղեն) առատությամբ կարելի է բացատրել, որ համշենցիք գետնափոր ու հողածածկ տներ չեն կառուցել: Առանց բացառության, բոլոր բնակելի և օժանդակ շենքերը կառուցվում էին հողի մակերեսին: Համշենցիների տները հիմնականում երկհարկանի էին: Առաջին հարկը գրեթե ամբողջությամբ գրավում էր գոմը: Երկրորդ հարկի զբաղվող բաժանմունքներն էին հողատուն-բուրկոցը, հայաթը (նախասրահը),

մառունը (մառան), միծ օղան (մեծ սենյակը), կամ սիսաֆառի օղան (սենյակ) և սուֆան (պատշգամբ)։ Միջին մեծության տների լայնքը 7—9 մ էր, երկայնքը 10—13 մ, առաջին հարկի (գոմի) բարձրությունը՝ 1,7—1,8, երկրորդ հարկինը՝ 2,5—3 մ։

Քարաշին տան հիմքի խորությունը սովորաբար 50—70 սմ էին անում։ Թույլ, փխրուն հողերում նստվածք տալուց, փլուզումից տունն ապահովելու նպատակով հիմքի ակոսի տակ փռում էին լաստենու (յալֆնի, բծխի) տափալեցրած, հասա։ ու երկար բներ, վրան լցնում ավազախոն կրաշաղախ ու թողնում, որ լիցքը լավ շորանա-պնդանա, որից հետո միայն սկսում էին պատերի շարվածքը։ Պատերի հաստությունը սովորաբար լինում էր 50—70 սմ։ Պատերը բարձրացնում էին երկշարք, հնարավորության սահմաններում՝ արտաքին կողմից սրբատաշ քարերով։ Կաշին նաև տներ, որոնց միայն անկյունաքարերն էին սրբատաշ։ շաղախի (ջոռ) համար օգտագործում էին պարարտ կավահողը։

Ավարտելով առաջին հարկի պատերը, տեղադրում էին երկրորդ հարկի հատակի (կամ առաջին հարկի ծածկի) գլխավոր գերանները։ Հողատունն ու մառանը մեծ սենյակից ու հայաթից բաժանող գծով հորիզոնական գցում էին շուրջ 30—40 սմ հաստությամբ, պինդ ծառաբնից (խողկացնու, մաշմուրգի) մայր գերանը (անախիլի)։ Տան լայնքով, մայր գերանի վրայով հորիզոնաբար գցում էին շուրջ 20—30 սմ հաստությամբ գերաններ (հիմքի գերան, քեմել փրիշի)։ Գլխավոր գերանները աեղադրել-ամրացնելուց հետո շարունակում էին պատերի հետագա շարվածքը, բացի պատշգամբից, որն մեծ մասամբ տախտակով էին պատում։ Երկրորդ հարկի շարվածքը սկսելուց առաջ բոլոր պատերի արտաքին շոջագծով աեղադրում էին 15—20 սմ լայնքով, 1—1,5 սմ հաստությամբ ամուր տախտակներ (խաթել), որպեսզի պատերի ճնշումը հիմքին ու առաջին հարկի պատերին համաչափ բաշխվի։ Երկրորդ հարկի պատերը ներսի կողմից 10—12 սմ նեղ էին անում, որով պակասեցվում էր ճնշումը հիմքի վրա։ Պատերը կանգնեցնելիս ղռների ու պատուհանների համար թողնված բացվածքներում տեղադրում էին ղռների բարավորները՝ վերնամասերի գերանները (տեբնդի, դռան գլխի)։

Քարի շարվածքն ավարտելուց հետո անցնում էին տան փայտեղեն կմախքի կառուցմանը։ Առաջին հերթին բարձրացնում էին պատշգամբները, հետո գրեցում առաստաղի գերանները, սրանց վրա ամրացնում տանիքի կմախքը։ Վերջացնելով պատշգամբի կմախքը, նախ տան շորս պատերին փռում («նստեցնում») էին կապի գերանները, որոնց ծայրերը կտրելով ազուցում էին իրար ու փայտե սեպերով (շիվի) ամրացնում։ Այնուհետև, առաստաղի կենտրոնից՝ պատից պատ ձգում էին ամենամարակուռ գերանը (պապա գերան), որի երկու «գլուխները» (ծայրերը) երկաթյա ճարմանդներով ամրացնում էին ճակատի կապի գերաններին։ Պապա գերանի երկու կողմից, իրար զուգահեռ, իրարից մեկ մետր հեռավորությամբ գցում էին առաստաղի մնացած գերանները, որոնք փայտե սեպերով ամրացնում էին կապի գերաններին։

Տանիքները մեծ մասամբ քառաթեք (շորս լանջ) էին շինում։ Երկթեք առանիքով կառուցում էին տնամերձ փոքր շենքերն ու փոքր տները։ Քառաթեք տանիքի հիմքը պապա գերանն էր, որի վրա իրարից 3—4 մ հեռավորությամբ ամրացնում էին 1,5—2 մ բարձրությամբ տանիքի պատվանդանները, որոնք կոչվում էին պապա տիբեխ (սյուն)։ Այդ սյուների զազաթներին ամրացրած գերանը կոչվում էր տանիքի օֆ կամ գազաթի գերան (թեփե օֆի)։ Օթի ծայրերին մկրատածն բացված զույգ հենակ-գերաններ էին դնում, որոնք միացվում էին տանիքի ճակատի համապատասխան անկյուններին, կապի գերաններին։ Այս տանիքները կոչվում էին մկրատ, մկրատավոր (մաֆալի) կամ շորս ուսանի (օմուգ)։ Ուսերի միացումով տանիքի 2 ճակատներում միաժամանակ ստացվում էր ուղղանկյուն եռանկյունի, որի զազաթը օթի ծայրերն էին։ Օթի երկու հակադիր կողերը շեղանկյուն քառանկյունաձև էին։ Օթի երկու կողմից, թեք գծով կապի գերաններին խփում են 3—4 մարդակ (մեթեղ, հեծան)։ Ուսերից խփված նույնպիսի հեծաններին, որոնցից յուրաքանչյուրը նախորդից կարճ էր

լինում, մարդակի ձագ (յավրի) են ասում: Մարդակների վրա իրար զուգահեռ հորիզոնական դիրքով գամում էին 6—8 սմ լայնությամբ, 2—3 սմ հաստությամբ հղկված ձողեր (ջամլամա, ծպեղ)։ սրանց վրա գամում կամ դարսում էին ծածուկը: Ծպեղների հեռավորությունը և հաստությունը կախված էր ծածուկի նյութից և ծավալից: Երկթեք տանիքը (սեմեռ ծածուկ, համեմատաձև ծածկ) ունենում էր սլապա սյուների վրա ամրացրած, տանիքի ամբողջ երկայնքով ձգված մեկ հատ օբ, հավասար մարդակներով, առանց ուսերի:

Տանիքի կենտրոնում, տունը լուսավորելու և օջախի ծովը դուրս գալու համար թողնում էին 60—80 սմ² անցք (բանա), որն անհրաժեշտության դեպքում ծածկելու համար սարքում էին հատուկ հարմարանք: Ինչպես երկթեք, այնպես էլ քառաթեք ծածկը շինում էին տանիքից համեմատաբար ավելի ծաղկուն, որպեսզի անձրևաջուրը պատերը չթրջի. պատերից դուրս ընկած ծածկի հավելյալ այդ մասը կաղմում էր տանիքի քիվը (սաշախ):

Քարաշեն տները մեծ մասամբ ծածկում էին տեղական կղմինդրով (փրեմիտ) ու կովարով (իարտումա): Չբավոր ընտանիքները բավարարվում էին ավելի հասարակ ու էժան ծածկանյութով՝ փեծ ու տախտակով, որը պատրաստում էին սեփական ուժերով:

Տանիքը կովարով ծածկում էին հորիզոնական շարքերով: Առաջին շարքը դարսում են քիվատեղի վրայով, երկրորդ շարքը նստեցնում առաջինի վրա ու այսպես հաջորդաբար: Երկու շարքերի միացման գծով, ավելի հաստատուն լինելու համար, մեխերի գլխիկների տակից փաթաթում-ձիգ էին տալիս նուրբ մետաղալար: Ծածուկի երկու կողերի միացման կետերի արանքները փակում էին եղանկյունաձև՝ իրար խփած զույգ տախտակներով (ծածուկի սեմեր՝ համետ):

Փեծեծ ծածուկը շարում էին կովարների պես (առանց գամելու), երկու շարքերի միացման գծի վրա դնելով ծանր փայտեք կամ քարեր:

Տախտակե ծածուկի համար նախապատրաստում էին համաչափ հաստությամբ և լայնությամբ տախտակներ, որոնց մի երեսի երկու եզրի ամբողջ երկայնքով, եզրերից 2 սմ դեպի ներս «հենում էին» ակոսներ: Տախտակները՝ ակոսները դեպի վեր, ուղղահայաց, մի անկյունից սկսում էին մեխել հեծանների (հալլամա), մեկը մյուսից այնքան հեռավորությամբ, որպեսզի երկրորդ շարքը մեխելիս ծածկվի խփված տախտակների արանքում մնացած տարածությունը: Այսպիսով, սկզբի տախտակը լինում էր ամենակարճը, հետզհետե երկարում էր մինչև տանիքի գագաթը, այնուհետև աստիճանաբար կարճանալով հասնում ուսի վերջը:

XIX դարի երկրորդ կեսից սկսած տների ներքին միջնորմները (քարապա) հիմնականում սկսում են կառուցել սղոցած, երկու կողմից հղկված տախտակներից, որոնք փոխարինելու եկան կացինով ճեղքված հաստ ու կոպիտ տախտակե կամ դերանակապ միջնորմներին: Որպեսզի տախտակները չծուլեն, զուրանց շփակողների վրա իրար դեմ շաղափով անցքեր (թորիծ) էին բացում, սուրաքանչյուրի մեջ խրում սեպ (չիվի) ու փայտե թակիչներով կիպ ամրացնում: Տախտակների ծայրերը զետեղում էին դեմ-դիմաց պատերին ամրացված ակոսավոր (չոմփուտ, ծոնա) սյուների մեջ: Միջնորմի տախտակների հաստությունը լինում էր շուրջ 30—40 մմ:

Համշենահայոց բնորոշ տները՝ քարակերտ թե փայտաշեն, ունեն զրսի մուտքի երկու դուռ: Երկու դուռ ունեն նաև մառանը. մեկը բացվում էր դեպի բուրակնոց, երկրորդը՝ դեպի սուֆա: Երկու դռնով էր մեծ սենյակը, մեկը սուֆայի, մյուսը հայաթի կողմից: Մեկական դուռ ունեն սուֆայի ու հայաթի սենյակները: Առանձին դռնով բուրակնոցը միացած էր հայաթին: Տան առաջին հարկը՝ գոմը, ունենում էր երկու-երեք դուռ: Հողատան ու գոմի մուտքի դռները շինում էին ամուր, 45—50 մմ հաստությամբ տախտակներից (դա անհրաժեշտ էր պաշտպանողական նկատառումներով): Ներքին դռները սովորական տախտակներից էին: Բոլոր դռները միափեղկ էին: Երկաթե կողպեքներով գուռը արաստովոր երևույթ էր: Մուտքի դռները գրեթե գոցում էին ամրակուռ, 6—7 սմ

հաստությամբ քառակուսի պարզունակով (սողնակ), որը հազցնում էին դռան երկու սյուների վրա գամած ճարմանդներին: Քարե պատը շարելիս, դռան երկու կողմից պատերի մեջ պարզունակ անցկացնելու համար թողնում էին նաև համապատասխան անցքեր: Կային, թեև հազվագեպ, բայց հասարակ մանդալով (փակաղակ) կամ, ինչպես ասում էին, ախեբով յիակվող դռներ: Այս հարմարանքի անունով շատերն օգտագործում էին «ախել, մանդալել, խաչընել»



Համշենահայերի բնակելի տուն

արտահայտությունները (դուռը փակելու իմաստով): Դուսից դուռը բացելու համար ախի լեզվակին կապում էին թել ու փոքր անցքով հանում դռան դրսի կողմը: Քարակերտ տների դռները մեծ մասամբ կախ էին տալիս սյունին ամրացրած ճարմանդներից (վենթեշե) և կամ կողքի երկու ծալրերին խրած գրոզանեբով (ծխնի) հազցնում էին մի կողմից դռան շեմին մյուսով բարավորին ամրացրած երկաթե բուլններին: Հասարակ շենքերի կամ տան նեոքին միջնորմների դռների ծխնիները սովորաբար պինդ փայտից (տոսախ, խոզկաղին) էին պատրաստում:

Տան հասակի տախտակների միայն երեքի կողմն ու շփակողներն էին հըղկում (տախտակների հաստությունը՝ 30—50 մմ, հատակի գերանների հեռավորությունը միմյանցից՝ 60—80 սմ): Մառանի ու սուֆայի հատակները մեծ մասամբ շինում էին ամենապարզ ու հեշտ եղանակով՝ տախտակները կողք-կողքի սեղմ՝ տեղադրելով մեխում էին հատակի հիմնագերաններին: Որակյալ, հաստատուն հատակ ունենալու համար տախտակների շփաշերտերին շննփուլ կամ ծոնա էին հանում՝ տախտակները կողքերի կենտրոնից ամբողջ երկարությամբ ակոսում (ծոնտ հանում) ու իրար էին «կապում» ծոնտերի մեջ համա-

պատասխան տախտակ (ծագ. յավրի, շիրիշակ) հազցնելով: Ամրացնում էին նաև տախտակների հակադիր եզրերը ակոսելով ու իրար միացնելով:

Սենյակի առաստաղի համար օգտագործում էին 20—25 մմ հաստությամբ տախտակներ, որոնք առաստաղին խփում էին դարձյալ ակոսելով ու իրար հազցնելով և կամ երկու տախտակների արանքների վրա ձագ (շիրիշակ) խփելով. ինչպես հատակի, այնպես էլ առաստաղի եզրերին տախտակների վրայից գալիս էին նեղ ցողաքանակ (պլինտուս):

Գոմի առաստաղը շինում էին հաստ ու խոնավադիմացկուն տախտակներից կամ 15—20 սմ տրամագիծ ունեցող կեղևահան արած գերաններից, վրան կավահողից շաղախ (ջոռ) էին լցնում ու լավ լոկում (սվաղում): Հողաշերտից վեր՝ գերանների վրա խփում էին երկրորդ հարկի՝ մառանի ու սենյակի հատակի տախտակները: Գոմի առաստաղը փաստորեն երկրորդ հարկի հատակն էր:

Համշենահայերը ցխինք (թավոն, ձեղուն) էին անվանում տան առաստաղի և երկթեք կամ քառաթեք տանիքի միջև ընկած փակ սարածությունը, որը մի յուրահատուկ շահմարան էր, ուր ձմռանը պահում էին հեշտությամբ ցրտահարվող ու խոնավությանը չդիմացող մթերքները՝ սոխ, սխտոր, դդում, շիր և ավելորդ իրեր ու կահույք: Ցխինք բարձրանում էին հողատնից՝ շարժական ելաքանով:


Համշենահայոց մեջ լայնորեն տարածված էին նաև կիսաքարաշեն և փայտաշեն տներն ու օժանդակ այլ կառույցները: Կիսաքարաշեն տները զուտ քարաշեն տնից տարբերվում էր նրանով, որ ալդպիսի տան միայն ներքնահարկի արտաքին պատերն էին քարից, իսկ վերնահարկն ամբողջությամբ փայտից էր (գերան կամ տախտակ). կային այնպիսի կիսաքարաշեն տներ, որոնց նաև առատան արտաքին պատերն էին քարից շինված:

Փայտաշեն տները տախտակից ու խզեկոճ գերաններից էին:

Խզեկոճ (գեռանակապ) տներ: Խզեկոճ կոչվում էին այն կառուցվածքները, որոնք շինվում էին խզված կոճղերով (գերան). գերանի վրա կացնով, սղոցով կառուցված բացվածքին ասում էին խեզ (խեզվածք): Այստեղից էլ՝ խզեկոճ (խզված կոճղ) արտահայտիչ բարդ բառն ու խզեկոճ կառուցվածքների (տուն, ախոռ, կորուպ) անվանումները:

Խզեկոճ, ինչպես և հետագայում տախտակաշեն տների հիմքերը ամրացնում էին հողի մեջ տեղադրած ծառաբներից կտրած կոճղերի՝ հիմք-պատվանդանների վրա, որոնք հնարավորության դեպքում կառուցվում էին նաև քարից, որպեսզի հողի վրա պառկեցրած գերանները հեշտությամբ չփտեն: Հիմքերի վրա ձգում էին նաև տան երկու հակադիր կողմերի հիմնագերանները, որոնց հետատեղը տաշում, տափակեցնում էին, որպեսզի հաստատուն լինեն: Այդ դերանների ծայրերի մոտ ու միջնորմների ուղղությամբ խզում, հանում էին նաև տան երկու կողմերի գերանների խզված տեղերը և ամրացնում: Այսպես հաջորդաբար գերանները իրար կապելով բարձրացնում էին ցանկացած շափով: Տան պատերը շարելուն զուգընթաց տեղադրում էին նաև դռան շրջանակները. գերանների ծայրերը տաշելով ազուցում էին դռան բների վրա սկոսած շոփուրների մեջ (ծոնտ): Սկզբնական շրջանում առանցիկների բնակարանները մեծ մասամբ եղել են մի հարկանի խզեկոճ խրճիթներն ու մասամբ էլ՝ շիթե կառուցվածքները: Տարիների ընթացքում դրանց փոխարինելու եկան երկհարկանի գերանակապ տները: Նախնական խզեկոճ տների միջնորմները նույնպես գերանակապ էին: Հետագայում, նոր շինված խզեկոճ տների միջնորմները հիմնականում տախտակով էին շինում: Խզեկոճ տների սենյակներին վայելուչ տեսք տալու նպատակով շատերը նախորդ գերանների ներսի երեսները տաշում-տափակացնում ու ալդպես էին տեղադրում իրենց տեղերը: Խզեկոճ տների հատակներն ու առաստաղը սկզբնական շրջանում սարքում էին կացնով ձեղքած և տաշած տախտակներով, իսկ հետագայում՝ սղոցած տախտակներով: 1900-ական թթ. համշենահայերը գերանակապ տներ արդեն սակավ էին կառուցում, որը բացատրվում էր առաջին հերթին անտառանյութի պակասությամբ:

Բուրկրնոց (բուրակնոց) էր կոչվում տան ամենագլխավոր բաժանմունքը՝ աչքը, այն պատճառով, որ այստեղ էր գտնվում տան բուրակը (օջախը)։ Այն կոչում էին նաև օջախնոց (օջախգլուխ) կամ հողատուն (եր-էվի), բուրկրնոցը գրավում էր տան ընդհանուր օգտակար մակերեսի 20—30 տոկոսը։ Բուրկրնոցից բացվում էր երեք դուռ՝ մուտքի, մառանի ու հայաթի։ Բուրկրնոցն ու հայաթը բաժանող միջնորմը քարով էին շարում։ Մառանի մուտքի առջև, ամբողջ



պատի երկայնքով զբաղում էր 20—25 սմ բարձրությամբ, 100—120 սմ լայնքով մշտական թախտը (բարբոն)։ Բաթրոնի մեջտեղում, մառանի մուտքի աջ կամ ձախ կողմում գտնվում էր ախոռն իջնելու համար շինված կափոնիք, որն ունեւր բաթրոնի տախտակների հաստությամբ կափառիչ։ Կափոնից ախոռ իջնում էին մնայուն կամ շարժական ելարանով։ Տան մուտքի կողմում, բաթրոնից 60—70 սմ բարձր, մառանի պատի վրա հաստատվում էր ամանեղենի պահարանը՝ րեբեֆը։ Թերեքի տակ գտնված մասը ծառայում էր որպես պատվանդան կաթսաների, ջրի սափորի, կուֆայի համար։ Մյուս ազատ կողմում սարքում են երեխաների ճաշասեղանը։

Բուրկրնոցում լույսի միակ աղբյուրը առաստաղից բացած երդիկը՝ բաշտն էր, որը ծառայում էր նաև որպես ծխնելույղ։ Օջախը շինում էին հողատան հարավային պատի կենտրոնից 1—1,5 մ հեռու, հողի մեջ, բոլորշի կամ քառանկյունի ձևով, խորությունը շուրջ 15—20 սմ, տրամագիծը՝ 80—100 սմ։ Օջախի հատակն ու կողերը սալարկվում էր։

Հաց թխելու փռի մուտքը մեծ մասամբ բուրկրնոցից էր բացվում։ Երբեմն այն տեղադրվում էր հայաթում կամ բակում, առանձին ծածուկի տակ։ Փռի հնոցի հիմքը, կողերն ու գմբեթը սալարկվում էին հրակայուն քարով։

Բուրկրնոցը համընցիների տան գլխավոր դահլիճն էր, այն միաժամանակ հյուրանոց-ընդունարան, խոհանոց-սեղանատուն էր, մեծ մասամբ նաև՝ տատիկի-պապիկի ննջարանը, որոնց համար բուրակի կողքին զբաղում էր փայտյա հասարակ թախտ։ Այստեղ էին կատարում նաև հարսանեկան տոնախմբությունները, խնջույքներն ու երեխաներին մկրտելը, պսակի արարողությունը։ Բուրկրնոցը նաև սովորական հյուրերի ննջարանն էր։

Հողատան հատակը ամբողջովին հողածածկ էր։ Հողի երեսը 5—6 սմ հաստությամբ կակուղ կավահողի շաղախով էին պատում, որն ամրացնելու համար նաև հարդ էին խառնում և փայտյա թակիչներով հավասար տոփում։ Այդպիսի հատակը շորանալով սալահատակի տեսք ու ամրություն էր ունենում։ Այլ էր այն հողատան պատկերը, որի ներքնահարկը ախոռ էր ունենում։ այսինքն հողատունը գրավում էր երկրորդ հարկի մի մասը։ Այդպիսի հողատան

օջախի տակը բարեպատում կամ կոճղապատում էին, մեջը հողով լցնում, ապա վրան կառուցում բուրակը: Գոմի առաստաղը, որը միաժամանակ հողատան հասակի պատվանդանն էր դառնում, կառուցում էին հաստ կամ կիսավաճ (ճեղքված) կոճղերից, վրան 15—20 սմ բարձրությամբ հող լցնում, որից հետո՝ կավահողից շաղախ ու տոփտոփում:

Հալարը (նախասրահը), ամբողջ տան էական բաժանմունքներից մեկը, միջնորմներով բաժանված էր բուրկընոցից ու մեծ սենյակից: Քարաշեն տան հալարը ամբողջովին փակ պատերի մեջ էր ու մուտքերից մեկը բացվում էր փողոցի վրա: Հալարը հիմնականում օգտագործում էին վառելափայտ, տնային որոշ իրեր, երկրագործական գործիքներ պահելու համար: Ինչպես վերն ասվեց, մի շարք տներում փուռը տեղադրված էր լինում հալարում: Բաղմանդամ ընտանիքներում հալարը կիսելով դարձնում էին սենյակ-ինջարան, թողնելով փուռը միջանցք-նախասրահ՝ մուտքի մոտ ու հողատան դռների ուղղությամբ:

Մառուն (մառան): Քարաշեն տան մառանի միայն մի պատն էր քարակերտ: Հողատնից, մեծ սենյակից ու սուֆայից անջատված էր տախտակե պատերով: Մառանը լուսավորում էին բուրկընոցի կամ սուֆայի դուռը բանալով: Մառանով էին այն տները, որոնց մառանը լուսավորվում էր պատի մեջ բացառապես լուսամուտով: Մառանը շտեմարան-մթերանոցն էր: Մեծ մասամբ նրա մի ափսոսանքը հատկացվում էր կաթնեղենին: Մառանում երկու թոկից կախած ափսոսանքի վրա դարսում էին թխած հացը: Հիմնականում այստեղ էր տեղադրվում նաև ջուլհակի ոստայն-դաղգահը: Բազմամարդ ընտանիքներում հաճախ մառանի մի մասը ծառայում էր որպես ննջասենյակ:

Մեծ օդա կամ միսաֆիրի օդա: Այս սենյակը հիմնականում հատկացվում էր նորապսակներին, սակայն հարգարժան, բարձրաստիճան հյուրեր ընդունելիս նրանք ստիպված էին դիջել իրենց ննջարանը: Օդան ունենում էր եկեղեցիների պատուհաններ հիշեցնող, պատի մեջ բացված նեղ լուսանցք, այնքան նեղ, որ մարդ չկարողանար մտնել:

Համարյա բոլոր քարակերտ տների մեծ սենյակի մուտքի դռան հարակից անկյունում սարքված էր լինում յուրահատուկ դարան (մախսեն), որը ինքնապաշտպանության նպատակով էր շինված: Դա հատակից շուրջ մեկ մետր բարձրությամբ քողարկված դուրս՝ դարակ էր, որի գաղտնի անցքը հետզհետե նեղանալով աննկատելի բացվում էր մուտքի դռան կողքին: Մախսենից ազատ, անվտանգ կարելի էր կրակել դռանը մոտեցող թշնամու վրա: Մի շարք տներում ալպիսի մախսեններ կային նաև գոմի ու տան երկրորդ մուտքի դռան կողքին: Հարստենյակի մուտքի պատի ամբողջ երկայնքով, ինչպես հողասանը, բաթրոն էր կառուցված լինում, զանազան իրեր դնելու համար:

Սուֆա (պառնակ): Սա տան փայտակերտ պատշգամբն էր, մառանի ու մեծ սենյակի անմիջական շարունակությունը: Շատերը սուֆայի մի կողմում կառուցում էին փակ սառքին (ամբար)՝ կաղին, ընդեղեն, չիր և այլ մթերքներ պահելու համար: Բազմաթիվ ընտանիքներում սուֆայի մի կողմում փոքր նրնջասենյակ էին սարքում, որը և կալվում էր սուֆայի սենյակ: Սուֆան օգտագործում էին նաև որպես ձմեռվա փեթականոց: Որպես տան ամենահով տեղը, շատերը կաթի տաշտերն այստեղ էին կախում: Ձմեռվա կաթնեղենի պաշարը՝ յուշի, պանրի տակառները, թթվի կարասները նույնպես հիմնականում այստեղ էին պահում: Կային տներ, որոնց սուֆայում փոքր լվացարան էր սարքած լինում, որից մեծ մասամբ օգտվում էին հատկապես ձմեռն ու վատ եղանակներին: Սուֆայի հատակը նաև ապահով ծածկ էր ախոռի առջև. նրա տակ դարսում էին անասունների առօրյա կերը, ցերեկները (անձրև եղանակին) կովերն էին կիլում և այլն:

Գուռ (գոմ): Ինչպես վերը նշվեց, համշենցիների տների առաջին հարկն ամբողջությամբ զրավում էր անասունների գոմը կամ ախոռը: Քարաշեն տների ախոռի շուրջ պատն էլ, բնականաբար, քարից էր: Հարավային պատը կից էր հողատանը՝ բուրկընոցին ու հալարին: Գոմը տախտակե միջնապատերով բաժանում էին 2-3 մասի՝ կովերի, հորթերի ու գրաստի համար: Ոմանց մոտ

հորթերի ախոռն առանձին մուտք չունեն, այլ ներսից փոքր դռնակով բաժանված էր կովերի բաժանամունքից: Գոմի հատակը շինում էին թեթևակի երկթեք տախտակամած, որի կենտրոնի ակոսով (սնզղա) գոմեզը (անասունների մեզը) հոսում էր աղբանոցը (կոլիանոցը): Անասուններին կերակրելու համար դոմի երկու կողմի սամբոզը երկայնքով, հատակից քիչ բարձր տաշտածն մսուրին էր դետեղված: Յուրաքանչյուր կովի կապն ամրացնելու համար մսուրքի եզրերին անցքեր (թոլեց) էին հանված:

Ձիերի մսուրքը գետնից մոտ մեկ մետր բարձր էին սարքում: Ախոռներն առանց լուսամուտի էին, կովերին կերակրելիս կամ կթելիս ախոռի դուռը բաց էին թողնում: Ախոռի առջևում՝ սուֆայի ուղղությամբ քիչ հեռու 40—50 սմ խորությամբ ընդարձակ փոս-կուղիանոցն էին փորում, որտեղ կուտակում էին լամպերը:


Թափառաց: Ինչպես ամենուր, այնպես էլ համշենսահաց մեջ թուրք կառավարությունը խիստ հետապնդում էր զենք ունեցող հայերին: Ամենաշնչին պատրվակով հայերի տները ենթարկվում էին անակնկալ ու մանրազնին խուզարկության: Այդ հանգամանքն ստիպում էր յուրաքանչյուրին ինքնապաշտպանությունն նպատակով ձեռք բերած հրազենն ու սառը զենքերը այնպիսի հրնարազրիտությամբ թաքցնել, որ թե՛ խուզարկուների աչքից հեռու լինեն և թե՛ անհրաժեշտության դեպքում շտապ կարողանային օգտվել: Ձենքի ամենամեծ թաքստոցը, ուր կարելի էր 4—5 հրացան տեղավորել, անհրաժեշտ պարագաներով, գտնվում էր փոխդռան տակ և փակվում էր մյուս քարերի նման հղկված քարերով: Երկրորդը մատանի գերանների միջև ընկած աղատ տարածությունն էր, որի վրա խփած էր հատակի տախտակը: Այդպիսիք շինվում էին նաև ախոռում:

1900-ական թթ., հատկապես 1908 թ. երիտթուրքերի ղեկավարությամբ թուրքիայում տեղի ունեցած հեղաշրջումից հետո, համշենցի գյուղացիք, հավատալով, որ վերջապես իրենք էլ դառնալու են իրավագոր քաղաքացիներ, սկսում են ձեռնամուխ լինել նորածն բարեկարգ տների կառուցման: Նորակերտ տներում տեղադրում էին լայնանիստ, ապակեպատ պատուհաններ, կիսախավար հողատունը դարձնելով լուսավոր դահլիճ՝ ծեփված ու կրով սպիտակեցրած պատերով: Այդպիսի բարեկեցիկ տներ առաջին հերթին կառուցվեցին քաղաքամերձ կամ ամառանոցային գյուղերում (Ջեֆանոզ, Կրոմիլա և այլն):

Վորուպ: Սա համշենցուն անհրաժեշտ երկրորդ շինությունն էր: Ձեր կարելի պատկերացնել համշենցի շինականի հարուստ թե աղքատ որևէ տնտեսություն առանց կորուպի: Այդ շինությունը մթերանոց էր, որտեղ պահում էին չորացրած եգիպտացորենը, կաղինը, ընդհանրապես չորացրած 2—2,5 մ բարձրությամբ չորս գույգ սյուների վրա սարքած փայտաշեն ամբար էր: Միջին մեծության կորուպի երկայնքը 10 մ, լայնքը 2—5 մ էր: Սյուները թաղված էին ուղղակի գետնի մեջ կամ հենված քարե պատվանդանների վրա: Սյան հողի մեջ գտնվող մասը կրակի վրա բավարար չափով թրծում էին, որպեսզի այն շուտ փտի: Սյուների վերնամասի եզրերը կտրելով, կենտրոնում թողնում էին 8 սմ հաստությամբ, 30—40 սմ երկայնքով քառակուսի ցից: Այդ ցցերին հաջորդում են 50—70 սմ տրամագծով, 10—15 սմ հաստությամբ լիսեռած կլոր կոճղ (թեֆեռ): Կոճղից վերև սյան ցցի ծայրը մոտ 10 սմ ազատ էին թողնում՝ ձենքի հատակի գերաններին միացնելու համար: Կոճղը միաժամանակ խոշորագույն էր մկների կորուպ բարձրանալուն: Ոմանք կրկնակի ապահովության համար թեքեռի շրջագծին թիթեղյա շրջանակ են գամում: Եթե կորուպները առանց թեքեռի էին շինված, սյուների վրա շուրջանակի մկան փուշ (փշատերև թուփ) էին կապում:

Կատարելագործված կորուպների պատերը տաշած, 30—40 սմ հաստությամբ տախտակներից էին: Սյուների ցցերի վրա ագուցում էին երկու զլխավոր գերաններ, ապա մեկը մյուսի վրա շարում ամրացնում տախտակները: Ուրպեսզի պատերը չծովեն, չզոգավորվեն, երկու տախտակների շփաշերտերին բորիժ (անցք) էին բացում ու սեպերով կիպ միացնում իրար:

Պատերի վրա թողնում էին 2—3 ցանցկեն օդանցք-լուսամուտ: Պատերի վրա կառուցում էին տանիքի հիմնամասը և կորոպը ծածկում ալնպես, որպես-
 ցի օդ խաղար և զով լինեք: Կորոպի հատակը սարքում էին տաշած և իրարից
 2—3 մմ հեռավորությամբ հիմնագերաններին զամած քառանկյուն տախտա-
 կածողերով, արանքներն անհրաժեշտ էին օդափոխության համար: Հաճախ կո-
 րոպի հատակը պատում էին լաշենու, կաղնու կամ հոնի մատղաշ ու ճկուն ճի-
 պոտներից (ջիեի) հյուսած ծածկով:



Մխախտի շորանոց

Կորոպը միջնորմով բաժանում էին երկու հիմնական մասերի՝ շտեմարան
 ու պատշգամբ (սուֆա): Պատշգամբից բացվում էր շտեմարանի (բուն կորոպի)
 դուռը: Պատշգամբի մի կողմում, շտեմարանին կից կառուցում էին ամբարը,
 որը հիմնականում ընդեղենի և շորացրած կաղինի համար էր: Ամբարը գրավում
 էր մոտավորապես 4—6 մ² տարածություն: Սրա տախտակե դռնակով մուտքը
 շինում էին ցածր ու փոքր, ալնպես, որ կարելի լինեք կոանալով մտնել: Մեծ
 կորոպի ամբարի կողքին կառուցում էին փոքր ննջասենյակ (կորոպի օղ):
 Բազմամարդ ընտանիքներում այդ սենյակն օգտագործում էին որպես սովորա-
 կան ննջարան, որի դուռը բացվում էր պատշգամբից և ուներ տախտակե փոքր
 լուսամուտ՝ առանց ապակու: Կորոպ բարձրանում էին աստիճան-ելարանով,
 որը լինում էր նաև շարժական: Ամառվա շոգերին, քանի դեռ կաղինի բերքա-
 հավաքը չէր վերջացել և կորոպը մթերքներով ծանրաբեռնված չէր, այն ծա-
 ռայում էր որպես ջահելների ամառային ննջարան:

Կորոպները կառուցում էին ամրակուռ և խոնավադիմացկուն ծառաբե-
 րից՝ հիմքի սյուներն ու գերանները՝ խողկաղնու և մաշմուրգի (շագանա-
 կենու), տախտակները՝ գլխավորապես շագանակենու փալտից: Մածուկը պատ-
 րաստում էին կղմինդրից, կովարից (խարտումա), երբեմն էլ փեծից: Կորոպի
 պատշգամբի ազատ եզրերն ամրացվում էին բազրիքներով կամ տախտակե
 ցածր վանդակապատով:

Կատարելագործված կորոպները տաբածված էին այն շրջաններում, որոնց
 բնակչությունը հիմնականում սեփական հողամաս ուներ: Մարաբաները, որոնց
 նույն հողամասում երկար ապրելը կախված էր աղաների քմահաճույքից, քա-
 րակերտ տներ շինելու իրավունք չունեին, ուստի իրենց տնամերձ կառույցներն
 էլ ստիպված սարքում էին պարզ ու հասարակ: Այդպիսիք էին խզեկոճ, չիթ ու
 հասարակ փայտեղենից պատրաստված կորոպները: Խզեկոճ կորոպ կառու-
 ցելու տեխնիկան նույնն էր, ինչ որ տախտակից շինվածինը, այն տարբերու-

թյամբ միայն, որ տախտակի փոխարեն պատերը խզված գերաններից էին: Շատերը սյուների գազաթը թեթեւ անցկացնելու փոխարեն մկան փշով էին փաթաթում: Տանիքները ծածկում էին փեծով, տախտակով, իմփոով կամ եղեգնով՝ ինչն էժան ու հեշտ էր ճարվում:

Եգիպտացորենի շիթերի կառուցվածքը նույնն էր, ինչ որ սովորական շիթի, կառուցվածքինը, միայն սա հաստատվում էր բարձր սյուների վրա, ինչպես կորուպը և ուներ երկու՝ վերի և վարի դռնակ: Վերևի դռնակից լցնում, իսկ ցածինից՝ հանում էին եգիպտացորենը: Օգտագործվում էին նաև մի դռնակով շիթեր: Չիթերի ծածուկն էլ անում էին հասարակ ու էժան ծածկանյութերից՝ եղեգ, իմփու, փեծ, տախտակ: Մկների մուտքն արգելելու նպատակով սյուներին մկան: փուշ էին կապում:

Համշենցիները նման կորուպ-ամբարները օգտագործում են նաև մեր ժամանակներում՝ իրենց նոր հանգրվաններում (Աբխազական ԽՍՀ, Կրասնոդարի երկրամաս և այլուր):

Մառազ էին կոչում այն շինությունը, որի մեջ անասունների կերն ու տակը փռելիքն էին ամբարում: Հակահրդեհային նկատառումներով մարագները կառուցում էին բնակարանից 50—100 մ և ավելի հեռավորությամբ: Կային ինչպես երկհարկանի, այնպես էլ հասարակ միհարկանի մարագներ: Երկհարկանի մարագների ու երկհարկանի տների հիմնակմախքը իրարից չէր տարբերվում: Մարագի առաջին հարկի հատակն առանց տախտակամածի էր, միայն պատերի դուրսի կողմից, անձրևի ջուրը մարագի տակ չհոսելու համար առուններ էին քաշում: Երկրորդ հարկի հատակն ու առաստաղը սարքում էին հասարակ, իրարից քիչ հեռու, շատ անգամ չգամված տախտակներից այնպես, որ կերը չթափվեր: Պատերը նույնպես հասարակ, նոսր խփած տախտակներից էին շինում: Որպես տանիքի ծածկույթ օգտագործում էին փեծը, տախտակը, կավաբլիթը, իմփու, հաղվադեպ՝ կղմինդրը: Մարագի առաջին հարկը լցնում էին անոթային, կաղնուտից ավլած-հավաքած շալով (չոր տերև)՝ անասունների տակը փռելու համար: Երկրորդ հարկում, առաստաղի վրա ամբարում էին անասնակերը:

Միահարկ կամ շիթ մարագները մեծ մասամբ ճիպոտներից հյուսված, բոլորշի կառույցներ էին՝ նույնպես ջինեպատ դռնակով: Այդպիսիք շատերը կառուցում էին հատկապես հեռավոր անտառներում, կաղնուտներում՝ անասնակեր կամ փռելիք (տերև) պահելու համար: Չիթերը վերևից ծածկում էին դուխալորապես եգիպտացորենի ծեղով կամ իմփոով:

Այն ընտանիքները, որոնք կորուպում, սուֆայում ամբար չունեին կամ ունեցածը չէր բավարարում, տան մոտ սարքում էին առանձին ամբար, որը կառուցում էին գետնից 25—40 սմ բարձր քարե պաստանդանի (բաբձ, յագրուդ) վրա: Պատերը մեծ մասամբ հղկված տախտակից էին, մուտքը (դուրը) առաստաղի մոտ՝ պինդ կափարիչով, տանիքը՝ երկթեք, կղմինդրով, կուվարով կամ փեծով ծածկված: Ամբարը դուրավառ նյութերով (իմփու, ծեղ) չէին ծածկում: Այն հիմնականում կաղին և ընդեղեն մթերելու համար էր:

Մինչև սովետական իշխանության հաստատվելը, Ռուսաստանում ապաստանած համշենցիների միայն մի շնչին մասը, ընդունելով ռուսական հպատակություն, իրավունք ստացավ սեփական քարաշեն տուն շինել, աչգի, պարտեզ ունենալ: Ռուսաստանում հաստատված համշենցիների կառուցած տներն ու տնամեծ շենքերը ոչնչով չէին տարբերվում հայրենի երկրում իրենց երբեմնի փայտաշեն շենքերից: Հողատունը, բուրկընոցը իր խղճուկ բաջայով, կիսախավար ու խոնավ խրճիթը՝ ամառ ու ձմեռ ծխացող օջախով, նույն հայաթն ու օդան, մառանն ու սուֆան, գերանակապ կորուպն ու հասարակ շիթը: Շատերը մարագ բոլորովին չունեին: Դրան փոխարինում էին խոտի ու ծեղի ցանկապատված դեղերը:

Դրությունը հիմնովին բարեփոխվեց սովետական կարգերի հաստատումից հետո: Ամեն ընտանիք ձեռնամուխ է լինում իր ուժերով ու պետությունից ստացած վարկով բարեկարգ շենքեր կառուցելուն:

Նոր տան տեղը որոշելիս ումանք նախօրոք դիմում էին գրեացներին, վրահուկներին (ջիեջի, բախտ աշոդ) ու միայն նրանց գուշակութունների համաձայն սկսում սան հիմքերը փորել: Եթե վահուկն ասեր, որ նշված տեղն «անբախտ» է, նոր վայր էին ցույց տալիս ու մինչև գրեաց-վահուկը շասեր որ «բախտավոր» տեղ են ընտրել, տան կառուցումը չէին սկսի: Տան հիմքի անկյունների տեղը 7—8 օր առաջ քարեր էին դնում և եթե քարերի տակ միջատ (մրջյուն, որդ) կամ որևէ այլ կենդանի էր բույն դրած լինում, ուրեմն տեղը հաջող, «բախտավոր» էր: Ամենաբախտավոր վայրը մրջյունների հավաքված, բույն դրած տեղն էր համարվում:

Շենքի հիմքի անկյունները 15—20 սմ խորացնելուց հետո, տանտերը փոսերից մեկի մեջ մատաղ էր կտրում ու առանց մատաղի գլուխն անջատելու, բոլոր շորս փոսերի մոտ տանելով՝ անկյունաքարերի տեղում արյուն էր թափում: Ամեն ընտանիքի մատաղացուն լինում էր իր հնարավորության համապատասխան՝ աքլոր կամ խոյ, երկուսն էլ անպայման սև փետուրով կամ մուղով: Մատաղի միսը բաժանում էին վարպետներին, հարևաններին ու անպայման մի-մի կտոր տան ընտանիքի բոլոր անդամներին: Կային ջերմեռանդ մարդիկ, որոնք տան հիմքի տեղը քահանային օրհնել տալուց հետո էին միայն փորել սկսում:

Որպեսզի նորակառույց տանը առատություն լիներ, անկյունաքարերի տակ հնչյուն դրամ (40—80 փարա՝ 8—15) կոպեկ էին դնում, նույնը անում էին նաև տնամերձ շենքեր՝ կորոպ, մարագ և այլն կառուցելիս: Ունևորների մեջ 5—10 դուրուշ, նույնիսկ մի հնչյուն ոսկի թաղող էր լինում: Հնչյուն դրամ էին դնում նաև տան հիմքի դերանների տակ: Որպեսզի տունը շար աշքից հեռու լիներ, կաշվի կտորի մեջ ածուխ, աղ, պղպեղ, սխտոր, «աշքից հուլունք» կապում ու հիմնաքարերի տակ էին թաղում:

Կային հավատացյալներ, որոնք եթե իրենց ապրած տանը հաճախակի դժբախտություն էր պատահում՝ երեխաները փոքր հասակում մահանում էին, գործերը անհաջող էին գնում կամ կովերը, ոչխարները սատկում, դիմում էին «բախտ աշողներին», գրեացներին: Շատ անգամ ալղախիները, գուշակները խորհրդով, քանդել են իրենց տունը և ուրիշը կառուցել:

Ջերմեռանդությամբ հավատում ու համոզված էին, որ ամեն տուն իր «Մեր պահպան» օձն ունի: Նա, իբր, գիշերները շրջում է տան բոլորը, առաստաղում և տնեսում է ինչ է կատարվում ու տունը պահպանում է շարքերից: «Տան պահպան» օձին սպանելը «մեծ փորձանքի դուռ կբանար» ընտանքի գլխին:

Նոր տուն կառուցելիս վարպետները տան տանիքի հիմնամասի վերջին մարդակը չի փած, ուրագը ցած էին դնում ու նստում տան կտուրին: Մինչև տանտիկնոջից նվեր չստանալին, նստած տեղից չէին բարձրանում: Ստանալով նվերը՝ անձեռնոց, շապիկ կամ գուլպա, շնորհակալություն ու բարի մաղթանքներ հայտնելով, խփում էին վերջին մարդակն ու ցած իջնում:

Սովորություն կար, տանիքի հիմնամասը վերջացնելով, երեք օր դադարեցնել աշխատանքը: Այդ օրերի ընթացքում տանտիրոջ հարևանները, հարազատները, ով ցանկանում էր, գալիս էր շնորհավորելու նորակառույցը, նվերներ էին կախում մարդակներից, ով փող, ուրիշը կտոր, սրբիչ, գուլպա և այլն: Երեք օր հետո հավաքված նվերները հանձնում էին վարպետներին, որից հետո շարունակում կառուցումը: Տան հիմնամասը վերջացնելիս վարպետներին նվերներ տալու սովորությունը մինչև այժմ էլ պահպանվել է կովկասյան համշնացիների գյուղերում: Եթե հին տունը «բախտավոր» էր համարվում, նոր տան օջախը շենացնում՝ վառում էին հին տան օջախից բերած թեժ կրակով, իսկ եթե «անբախտ»՝ կրակը վերցնում էին գյուղի «բախտավոր» համարվող օջախներից, որպեսզի նոր օջախը բախտավոր լիներ: Նույն ավանդական սովորություններն էին պահպանվել հացի և աղի վերաբերյալ. առաջին աղն ու հացը ուտում էին հին տնից բերածով՝ թե որ «բախտավոր» էր, եթե ոչ՝ բախտավոր տնից էին վերցնում կամ թարմ հաց էին թխում: Տան մուտքի շեմի վրա ձիու

պայտ խփելը ավանդական պարտադիր սովորությունն էր: Դա անհրաժեշտ էին համարում տան հաջողության ու լիության համար: Դռան տերնդի (շեմազլիի գերան) վրա մարալի (եղնիկի), խոյի եղջյուրներ խփելով, համատում էին, որ տան երիտասարդները օնլուրի (եղնիկ) պես քեսում (արագաշարժ), խոյի նըման հանդուգն կռառնան: Բակի մուտքի կողմում ճամփեզրին, ցցերի վրա ձիու, խոզի, այծի գանգ անցկացնելը տունը շար աչքից հեռու պահելու հույսով էր արվում:

Յուրաքանչյուրն իր հնարավորության սահմանում, կերտխումով նշում էր նոր տան կառուցումը: Հաճախ նոր տան շնորհավորանքի ուրախությունը դառնում էր ամբողջ թաղի, գյուղի սոնախմբության, ցնծության օր: Հավաքվում էին հարազատներ, զրկից ու բարեկամ, շնորհավորում աանտիրոջը: Նոր օջախ, նոր ընտանիք կազմողին շնորհավորելու զնացող հարավատներից շատերն ու բարեգութ հարեանները (անկախ նրանից, թե հայրական ունեցվածքից ինչ բաժին է հասել բաժանվողին) իրենց աջակցությունն էին ցույց տալիս նորաստեղծ տնտեսության արագ ոտքի կանգնելուն, նվեր բերելով՝ որը հավ կամ մի թուխս իր ճտերով, մյուսը՝ գառնուկ կամ հորթուկ, մեկը փեթակ, կուժ ու գդալ, տան պահապան շնիկ և այլն: Եթե նոր ընտանիք կազմողը կթան կով չուներ, շատ անգամ նրան ժամանակավոր փթան կով էին տալիս, մինչև հորթուկների մեծանալը: Նույն կարգերն ու սովորությունները հատկանշական էին նաև վերջին գաղթափայրերում ապրող համընցիների գյուղերում:

ЖИЛОЙ КОМПЛЕКС АМШЕНСКИХ АРМЯН

Б. Г. ТОРЛАКЬЯН (Сочи)

Резюме

Начиная со второй половины XVII в. армяне-беженцы из коренного Амшена обосновываются в Трапизонской области, на протяжении от Сюрмене до Самсона. Амшеницы не строили домов с покрытой землей крышей или домов типа землянок, что можно объяснить относительно благоприятным климатом и обилием строительного материала (дерево). Все жилые и подсобные помещения строились на поверхности земли. Дома в основном были двухэтажными. Первый этаж почти полностью отводился под помещения для содержания скота. Главными подразделениями второго этажа были *охитун*—*буркноц*, где находился очаг, *айат* (крытая передняя), *марон* (сарай), *миц ода* (большая жилая комната), или *мисафари ода*, и *суфа* (балкон).